

ЧТЕНІЯ

ВЪ

ИМПЕРАТОРСКОМЪ

ОБЩЕСТВЪ

ИСТОРИИ И ДРЕВНОСТЕЙ РОССИЙСКИХЪ

ПРИ

МОСКОВСКОМЪ УНИВЕРСИТЕТЪ.

ПОВРЕМЕННОЕ ИЗДАНИЕ.

1863.

ГЕНВАРЬ — МАРТЬ.

КНИГА ПЕРВАЯ.

МОСКВА.

ВЪ УНИВЕРСИТЕТСКОЙ ТИПОГРАФІИ.

1863

ВЫПИСАНА

ИСТОРИЯ ПЕЧАТНАЯ О ПЕТРѢ ВЕЛИКОМЪ.

СОБРАНИЕ ОТЪ СВЯТАГО ПИСАНІЯ О АНТИХРИСТѢ. *

Богъ превѣчный, не имѣя ни начала, ни конца, неизреченною Своею мудростію, яко восхотѣ и сотвори, создавъ бо челоуѣка отъ земныхъ персти и святымъ Божественнымъ писаніемъ ограничивъ его. А еже праотець нашъ, Адамъ, изъ границъ, назначенныхъ ему, выступилъ, за то тлѣнію и смерти подпаде: за преступленіе единыхъ заповѣди 5533 лѣтъ пребысть въ тлѣніи и въ смерти родъ нашъ. Егда же восхотѣ Богъ избавити насъ отъ работы діавола и просвѣтити землю Своимъ познаніемъ, посла Богъ Сына Своего Единороднаго въ 5500 лѣто, возсія солнце правды, Христосъ Богъ нашъ отъ Пречистыя и Пренепорочныя Владычицы нашея Богородицы и Приснодѣвы Маріи, и просвѣти свѣтомъ познанія вся челоуѣки. И паки Святымъ Божественнымъ писаніемъ ограничивъ, постави семь столповъ вѣчныхъ правды, и повелѣ всякому, вѣрующему во имя его, соиздати храмину свою на оныхъ семи столпѣхъ. Аще бо кто въ той Седьми Вселенскими Соборами утвержденной правдѣ пребудеть, спасенъ будетъ, а кто отступитъ, или въ чемъ нарушитъ, погибнетъ во вѣки. Егда же по тысящи лѣтъ, развязанъ бысть сатана отъ темницы своея, изиде и нападе на великую монархію Римскую, и поколеба и разруши оное седмистолпное утверженіе, и паки на второй Римъ прииде по 1600 лѣто, а въ 66 л. и Россія тому же паденію поревнова, и тако исполнися число звѣря 1666 лѣтъ. Въ то время Царь Алексѣй Михайловичъ съ Никономъ отступи отъ Святыя Православныя

* Никакой подобной печатной Исторіи нѣтъ. Это выдумка, чтобъ скрыть свое. Получена отъ Раскольниковъ Пермской Губерніи.

Вѣры, и всю Церковь Божию отъ всего благолѣпія обнаживъ, и бысть, вмѣсто владыки, мучитель, яко же свидѣтельствуеть Апостолъ въ зачалѣ 275: «Прежде придетъ отступленіе, потомъ чловѣкъ грѣха, сынъ погибельный, Антихристъ.» Прежде придетъ отступленіе отъ святыхъ Вѣры Царемъ Алексѣемъ Михайловичемъ по числу 1666, а послѣ его въ третьихъ на престолѣ возцарствова сынъ его первородный, Петръ, отъ втораго беззаконнаго брака, и той помазася на престолъ Всероссійскій закономъ Жидовскимъ отъ главы и до ногу, показуя, яко ложный есть Мессія и Лжехристъ, яко же пророчествова о немъ Сивилла, яко же иматъ царствовати Царь Жидовскій. И той Лжехристъ нача превозношати паче всѣхъ глаголемыхъ Богомъ, сирѣчь помазанныхъ, и нача величатися и славится предъ всѣми, гоня и муча Православныхъ Христіанъ, истребляя отъ земли память ихъ, распространяя свою новую Жидовскую Вѣру, и Церковь во всей Россіи въ 1700 году возобнови, по совершенномъ своея злобы совершеніи, новолѣтіе Янусовское, и узаконивъ отъ онаго вести дѣтосчисленіе, а въ 1721 году прилъ на себя титулу Патріаршескую, именовася Отець Отечества, яко же свидѣтельствуеть книжка «Царство мертвыхъ» (листъ 115), и Глава Церкви Россійскіи, и бысть самовластенъ, не имѣя ни кого въ равенствѣ себѣ, восхитивъ на себя не точію Царскую власть, но и Святительскую и Божию, бысть самовластный пастырь, едина безглавная глава надо всѣми, противникъ Христовъ, Антихристъ. На уготованное ему мѣсто Царской престолъ придетъ по числу своему во свое ему время, на кончину временъ; ибо Петръ Великій всея воли и злобы Сатанины исполнитель, родися по отступленію св. Вѣры, въ 1672 г., отъ Царя Алексѣя Михайловича, не имѣющаго уже на себѣ Царскаго достоянія. Яко же бо онъ преступи законъ Божій, яко же Іуда предатель отъ лика Апостольска отпаде, тако и той отсѣчеся отъ колѣна Царскаго, яко же Кириллъ Іерусалимскій, въ знаменіи 10, пишетъ: «Ни отъ Царей, ни отъ Царскаго рода, воздержитъ Царство, но прелестію восхититъ власть;» тако и той нѣсть отча и дѣдина престола наслѣдникъ, восхотѣлъ престола Римскаго, сирѣчь, пріемникъ Римскія Вѣры, яко же дивія лоза отсѣчеся отъ винограда, отъ св. Православныхъ Вѣры, и родивъ сего сына погибельнаго, Петра, отъ вторыхъ жены, Натальи Кириловны, яко же свидѣлствуютъ о томъ Анекдоты

томъ 10: егда бо сочется Царь Алексѣй Михайловичъ вторымъ бракомъ отъ фамиліи Нарышкиныхъ съ Натальею Кирилловной, въ 1672 году, Августа 28 день, на память честнаго и славнаго Пророка Крестителя Іоанна, и зачатъ сего сына, Петра, въ ту ночь, небеса же комету въ себѣ показаша, коже волхвы усмотрѣвше, Симеонъ Полодкій и Дмитрій Ростовскій, и въ день 29 по утру приходятъ къ Царю въ палату, яко же волхвы ко Христу, и поздравляютъ его съ зачатіемъ сына и нарекаютъ имя ему Августъ, яко отъ Августа мѣсяца пріялъ зачатіе, и по образу Августа Кесаря возобладаетъ. И пакы Пахомій Великій: «Да будетъ и Петръ камень: той бо Скиѣскія народы обладаетъ;» изволяяй, да чтеть о томъ Анекдоты томъ 10. И тако той мучитель, Царь Алексѣй Михайловичъ, скончася въ 1676 году, а послѣ его въ третьихъ воцарися на престолѣ Всероссійскомъ, сынъ беззаконный, Антихристъ, противникъ Христовъ, вознесся и возвысися паче всякаго глаголемаго Бога, яко же Кириллъ святый, въ знаменіи 8 и 9 свѣдѣтельствуеть. «Аще ты же зри, что уже было и что еще иматъ быти,» яко св. Пророчицы прорекоша намъ многообразно о противникѣ. Мы же, сматряюще недремательнымъ окомъ, познаваемъ, яко отъ лѣтъ, по числу 1666, конецъ пріяша прореченія ихъ, а совершенное же всея злобы исполненіе исполнися на Петрѣ, яко же Даніилъ въ главѣ 7 глаголетъ: «Звѣрь четвертый гордъ и страшень и ни единому неподобный, всю Божию и святыхъ его истину восхоцетъ превратить, злыми дѣлы и всѣхъ первыхъ превзыдеть, и святая вышняго смирить, и помыслить премѣнити времена и законъ.» И тако обновится и укрѣпится новая вѣра Жидовская, новымъ помазанникомъ ложнымъ Мессією, противникомъ Христовымъ, Петромъ, его же злобы и хуленія на Бога Вышняго не достанетъ ми время вся подробну повѣдати, и Даніилово пророчество исполнися на немъ: «Отверзе уста своя звѣрь той въ хуленіи на Бога Вышняго;» нача себе величати и славити, возвышаясь надъ всякаго, о возобновленіи въ 1700 году собралъ весь свой поганскій синклитъ, въ 1 день Генваря мѣсяца, и постави храмъ идолу Вѣтхо-Римскому, Янусу, и предъ всѣмъ народомъ нача творити чудеса, чрезъ діавола, подъ видомъ фарисіа, и вси воскликнуша ему единогласно: «Вивать, вивать Новый Годъ!» и отъ того дни разосла своя Указы во всю Россію, повелѣлъ праздновати Новое Лѣто, яко же Господь нашъ Іисусъ Хри-

стось во осьмый день по Рождествѣ обрѣзаніе пріемлетъ по плоти, исполняя таинство, яко же свидѣтельствуеть канона пѣснь 1 ст. 2: «Сиде обрѣзаніе пріемлетъ, Христе, своего Рождества вѣчную сѣнь отрясе, свѣтъ возсія новыя благодати;» тако и той лукавый лстець, въ той же день, по исполненіи своея злобы, возвѣщая имъ свою новую благодать. И паки стихъ 6 пѣсни: «Пріять кончину законъ, отнедеже Христось младенчествовалъ исполнитель закону сый, обрѣзаніе пріять законную клятву;» тако же льстець, исполняя свой весь погибельный законъ, и разрушая законную Святыхъ Отець клятву, иже на первомъ Вселенскомъ Соборѣ положиша праздновати Новое Лѣто въ 1 день Септемврія мѣсяца: «Аще кто инако начнетъ творити, да будетъ проклятъ.» Онъ же, змій лукавый, разрушая сію законную клятву, исполняя свой пагубный законъ, во осьмый день таинства Христова, и той исполняя свое таинство, нача праздновати Новое Лѣто. И паки пѣсни 8 ст. 1: «Во осьмый день обрѣзывается владыка, Исусово же именованіе пріемлетъ, яко міру есть Спасъ и Господь;» тако и той, сынъ погибельный, Петръ, при ономъ своемъ Янусовскомъ собраніи, поздравленъ и принятъ за Императора Августѣйшаго, сирѣчь, надо всѣми обладателя, яко же свидѣтельствуеть Ипполитъ: «По всему хочеть льстець уподобитися Сыну Божію.» Оле бѣды жизни нашея! О благоразумная чета! Вонмите здѣ, кому ежегодно празднуется Новый Годъ, то нѣсть, а и симъ сущимъ идолъ храму, со Вседержителемъ, ратующему, Петромъ устроенному, со идоломъ Янусомъ и страннымъ осьмотысячнымъ Сатурномъ. И како зримъ на сей день идолопоклоненіе съ поздравленіемъ Новаго Лѣта, и мы вси въ чьихъ лѣтахъ жительствуемъ? Не всякому ли въ производствѣ письменныхъ дѣлахъ, а наипаче таковаго Новаго Года, свободно путь провождаемъ, по даннымъ пашпортомъ именовъ Сатанинымъ? Оле бѣда! Въ каковой силѣ отъ Духовенства, при открытіи Янусовскаго сего года, проповѣдь? ибо всѣ Господни лѣта истреблены, а Сатанины извѣщены. Воистину исполнися здѣсь тайнозрительное откровеніе и власть перваго звѣря всю творити предъ нимъ, и творяше землю, и вся живущія на ней, да поклонятся первому звѣрю, Сатанѣ, глаголя: «Рѣши мое дѣло, покорно прошу пожаловать пашпорты!» онъ отвѣщаетъ: «Отдай подушное съ Новаго Году, и еще нѣтъ ли ипыхъ недоимокъ, ибо на моей земли живешь.» Оле яма глубока погибели рода чловѣча! Патерикъ Азбучный глава 4: «Во

Антихристово время удалитися и бѣгати отъ еретическихъ жертвъ прескверныхъ, по Христову словеси реченному, да не тщатися кто, рече, въ Антихристово пришествіе снабдѣти душу свою, въ міръ живущи, погубить ю, не покорився мучителю животолюбія ради, полежа во днѣхъ оныхъ тѣло и кровь Христова не имать явитися;» понеже писано во Откровеніи Іоанна Богослова, во главѣ 12, яко «церковь побѣжитъ въ пустыню отъ рода прелестнича;» а церковь, правовѣрніи Христіяне, истинніи раби Христовы, побѣжатъ въ горы и въ вертепы, и пропасти земныя, отъ Антихристовы прелести, и спасутся; аще не тако, то вси уловлени будутъ злокозненнымъ Анхристомъ и погибнуть вѣчною погибелію. Аще пойдутъ дерзновенно предъ мучителя и страдати имуть по Христовѣ вѣрѣ не уклонно, а не покорятся мучителю, животолюбія ради, чтобы вѣчною погибелію не погибнути, а въ мірѣ живущи, съ міромъ конечно вси уклонятся въ прелесть Антихристову и погибнутъ, а не спасутся никако же Книга Кормча листъ 6: «Патріарше имя ни что же именуется, токмо отцемъ отецъ, или истѣе рещи, отцена-чальникъ, сущимъ подъ нимъ глава и пастырь и святитель крайній или высочайшій, еже убо во Грецѣхъ глаголется патеръ, т. е., нашимъ языкомъ отецъ, архъ же начало, вкупѣ рещи отцена-чальникъ». Отъ Псалтыри Толковыя сице: «яко се врази твои возшумѣша, и ненавидящии тя воздвигоша главу». Толкованіе Кассіодорова: «Сей стихъ ко временемъ Антихристовымъ прилагается, егда врази Божіи воплемыми развращеніи возшумятъ». Восшумѣша бо, рече, и не рече, глаголаша, да ихъ нарекутся словеса чело-вѣческа быти, иже гласовъ словесныхъ не имѣша: глаголется воздвигоша главу ко всѣмъ безумнымъ, едина глава есть Антихристъ, сущее рѣша: «прійдете, потребимъ, и не помянется имя Израилево кому.» Толкованіе Кассіодорова: «и таково умышленіе имѣтъ будетъ Антихристъ, да Христіанское имя отъ вселенныя земли за-гладится». Изъ книги Меѳодія Патарскаго отъ слова 63: «Въ послѣднее время вопросятъ дани отъ мертвыхъ, яко и отъ живыхъ: въ то время людіе отрекутся Православныя вѣры, и св. Крещенія, и Честнаго и Животворящаго Креста Господня, безъ мукъ, и безъ ранъ, и безъ біенія, а не хотящии тогда отрещися отъ свя-тыя истинныя Православныя Вѣры, и св. Крещенія, и Честнаго Креста Господня, овы въ домахъ своихъ сожигающесея, а иные въ рѣкахъ и во езерахъ утопающесея, а иные съ храминъ уби-

вающеся, и сихъ избѣннѣ Богъ въ мученики. Изъ Гранографа: «Тогда святїи бѣгати будутъ отъ востока на западъ, отъ запада на востокъ, инимъ же крыющимся по горамъ и пещерамъ, вездѣ же ихъ мерзости гонящи по земли и по морю, погубляя ихъ всячески, изгоняя изъ міру, не могущи имъ ни продати что отъ своихъ, ни купити, аще не имать звѣрина знаменїа на челѣ, или на руцѣ, вси бо тогда отъ своего мѣста изгоними будутъ, отъ домовъ своихъ, и отъ градовъ своихъ въ темницы влечени будутъ; глаголетъ Господь: «Молитесь, да не увидите въ напасть, ниже бѣгство ваше въ зимѣ будетъ, ни пакы въ субботу.»

Господи Ісусе Христе, Сыне Божїй, помилуй насъ, вѣрующихъ въ Тя, и помози намъ, грѣшнымъ, соотвѣтствовать вопрошающимъ насъ во имя Господа нашего Ісуса Христа. Объявляемъ вамъ, предсѣдѣщимъ вопросители или судители сихъ временъ. Днесъ, аще убоемы Христїане, вѣруемъ въ Господа нашего Ісуса Христа и Спасителя міру единомысленно и единодушно со святыми Отцы Седми Вселенскихъ Соборовъ и Девяти Помѣстныхъ, и со св. Отцы Соловецкія обители, пострадавшими за древнее благочестїе и за исповѣданїе правыя вѣры при Царѣ Алексѣѣ Михайловичѣ и при Патріархѣ Никонѣ, въ лѣто 7177. Того исповѣданїа и мы держимся и Христа Спаса нашего законъ и повелѣнїа соблюдаемъ. Того ради и въ книги законопреступнаго повелѣнїа писатися не хотимъ, и въ силу Указа вашего Императора и его законоуложенїа и ревизїа не пишемся, да и писатися никогда не хотимъ, понеже видимъ во Святомъ Писанїи, яко прежде бывшіи въ Россїи благочестивїи Царїе, Иванъ Васильевичъ, и Ѳедоръ Ивановичъ, и Михайло Ѳедоровичъ, и Алексѣй Михайловичъ, бывшїй при благочестїи до Никонова Патріаршества, яко сїи вси народнаго изчисленїа отъ мала и до велика, мужеска пола и женска, живыхъ и мертвыхъ, и всего обще челоувѣчества описанїа не творили, и оставляли то въ судьбы правительства Всемогущаго Бога. Егда же, по пророчеству Ездрина, отлomisя отъ винограда Христова лоза, сирѣчь, отъ Царскаго благочестиваго племени и отъ вѣры Православныя, юже содержаще вси Царїи благовѣрнїи, Алексѣй Михайловичъ отступя и всю Церковь Христову отъ благолѣпїа обнажи, и вся преданїа святоотеческія разруши, и бысть вмѣсто Царя мучитель, вмѣсто владыки ратникъ, на самаго Царя Небеснаго рать воздвиже и на

православныхъ Христіанъ велие гоненіе, и тако томъ многихъ, и муча, и смерти предаѣ, истребляѣ въ Россіи Православну Вѣру, и тако злѣ скончая свой маловременный животъ; изволяѣ, да чтеть о томъ Исторію Соловецкую. А послѣ его въ третіихъ возцарствова сынъ его первородный отъ втораго беззаконнаго браку, Петръ, и помазася на престолъ Всероссійскій отъ Рима, Жидовски, по закону Римскому, отъ главы и до ногу, и егда же, по пророчеству Данилову, возвысися и возвеличися надъ всякаго глаголемаго Бога или чтлища, сирѣчь, помазанника, Царіе бо, Іереи и Архіереи, по Евангелію, Христи именовашася, и той лжехристость и помазанникъ Жидовскій, Царь приде на престолъ Всероссійскій въ 1721 году, принялъ ня себя титулу Патріаршескую, назвася Отцомъ Отечества и Императорства Августѣйшаго и обладателя многихъ странъ и народовъ, и такъ нача паче мѣры возвышатися той лжепомазанникъ, и восхити на ся, не точію Царскую власть, но и Святительскую и Божію; яко же Папа въ Римѣ, тако и сей лжехристость нача гонити и льстити и искореняти останокъ въ Россіи Православныя Вѣры, и свои новыя умыслы уставляя и нова законоположенія полагаѣ, по духовному и по гражданскому расположенію, состави многія регламенты и разсла многіе указы во всю Россію съ великимъ угроженіемъ о непремѣнномъ исполненіи оныхъ, и устави Сенать и Синодъ, и самъ бысть надъ ними главою и судію главнѣйшимъ, и тако нача той глаголемый Богъ, паче мѣры возвышатися. Той же лжехристость сіе содѣла отъ гордости живущаго въ немъ духа, учини народное описаніе, изчисляѣ вся мужеска пола и женска, старыхъ и младенцовъ, и живыхъ и мертвыхъ, возвышася надъ ними и изыскупа всѣхъ, дабы ни единъ могъ скрытися рукъ его, и облаѣгая ихъ даньми великими, не точію на живыхъ, но и на мертвыхъ. Таково тиранство учини и съ мертвыхъ дани востребова, сего и въ древнія времена бывшіе мучители не творили. И тако, по описанію Меодія Патарскаго, сбываетъ: «въ послѣднее время вопросятъ дани отъ мертвыхъ, яко и отъ живыхъ.» Егда же той Императоръ, или Монархъ, сирѣчь единоначальникъ или единовластитель, народное описаніе учини, называя то ревизією или исчисленіемъ душъ человѣческихъ, которыя приняли его за Императора или повелителя и за единовластнаго правителя и пастыря, яко же свидѣтельствуєтъ книжка «Дополненія его Дѣяній»; изволяѣ, да

читать тамо. Мы отъ Христа Спаса научимся законъ и заповѣди его сохранять и Вѣру святую блюсти, и такому лжехристу въ послушество отдатися не хотимъ, и въ книги его законопреступныя писатися съ нечестивыми никогда не будемъ, да и хотящимъ спастися никому не совѣтуемъ. Творите съ нами, что хотите, ибо есмь Христіане единого исповѣданія Седьми Вселенскихъ Соборовъ Святыхъ Отецъ и святыхъ страдальцовъ Соловецкія обители, пострадавшихъ за древнее благочестіе того исповѣданія и мы держимся и въ книги ваши законопреступныя, гражданскія описи, съ нечестивыми не пишемся, ибо мы отъ святаго крещенія записаны есмь въ книги животныя у Царя небеснаго на небесѣхъ. Зрите, человѣцы, и вонмите и рассмотрите по Святому Писанію, въ коихъ лѣтахъ жительствоуемъ и кто нынѣ обладаетъ вами; ибо духъ Петровъ царствуетъ во всѣхъ до скончанія вѣка, яко свидѣтельствуеть книжка «Кабинетъ Петра;» ибо духъ Государей Россійскихъ есть духъ Петра Великаго и есть духъ самаго Бога. Зримъ, како духъ его богоборной во всѣхъ властодержцахъ дѣйствуетъ и дѣйствовать будетъ до скончанія вѣка, егда придетъ Господь съ судомъ вселеннѣй, и убіетъ такового гордаго властителя духомъ устъ своихъ, и упразднитъ злобу его явленіемъ пришествія своего, яко же пишетъ о немъ св. Апостоль Павелъ въ зачалѣ 275 сице: «Яко аще не придетъ отступленіе прежде, откроется человѣкъ грѣха, сынъ погибели, противникъ, и превозносяся надъ всякаго глаголемаго Бога, или чтилища.» Разумѣемъ по Св. Писанію, что глаголетъ: «аще не придетъ отступленіе прежде, и откроется человѣкъ грѣха, сынъ губительный, противникъ,» Антихристъ. Прежде приде отступленіе Царемъ Алексѣемъ Михайловичемъ въ 1666 году, и потомъ по отступленію его отъ вѣры Христовы, скончася супруга его, Марья Ильинишна, и поя себѣ въ жену Наталью Кириловну, и сочтася бракомъ законопреступнымъ, и роди сего сына губительнаго, сирѣчь, противника Христова, и всего. благовѣрія нарушителя, и всей злобѣ губительной исполнителя, яко же толкуеть Іоаннъ Златоустый, святыи вселенскій учитель: «Кто убо сей есть? Убо ли сатана?» и разсуждаетъ сице: «никако же, но человѣкъ нѣкій всякое его приметъ дѣйство», сирѣчь, Сатанино дѣйство восприметъ богопротивно, и ополчися на завѣтъ святыи, яко же и Даниилъ пророкъ о четвертомъ звѣри въ видѣніи пишетъ: «Звѣрь четвертыи, гордыи и

страшенъ, ни единому не подобный, ономчися на завѣтъ святой, времена и законъ премѣнити размыслить; кто разумѣеть тайны его ловитвы?» Петръ Великій, всея злобы исполнитель, Богомъ преданный на первомъ Вселенскомъ Соборѣ Индиктъ или Новое Лѣто, преведе съ Септемврія 1-го на Генваря 1-ое число, въ славу свою и въ честь имени храма Янусова. Оле великая неразсмотрѣнія! Како сей дерзну завѣтъ святой нарушити, иже Св. Отцы установиша, Индиктъ, превратити, и именована себе Монархомъ Августѣйшимъ, по образу Августа Кесаря единовластвующаго на земли! И тако той лжехристость, восхитивъ на себя Царскую и Святительскую власть, и вступи на высочайшую степень Патріаршескую, яко свидѣтельствуеть о томъ изданная имъ книга «Регламентъ Духовный,» листъ 3, въ 9-ти пунктахъ: како и для чего уничтожи Патріаршество, дабы ему единому властвовать, не имѣя равна себѣ, но, вмѣсто того, устави Синодъ или Синедрію, содержащую въ себѣ правленія духовныхъ дѣлъ, имѣя въ себѣ 12 членовъ, 4 Ассесора, 2 Президента, 2 Вице-Президента, и утверди ихъ седьмоклятвенною присягою, дабы, кромѣ его единого, ни какихъ дѣлъ не творити, но имѣли бы его единого превьсочайшею главою и судіею всея Церкви; и тако, по Ипполиту, совершенъ соборъ ученикъ себѣ воспріять по образу 12 Апостоловъ Христовыхъ, и самъ единъ безглавная глава, превозносясь надо всѣми, яко же и Ефремъ Святой пишетъ: «Вси вкупѣ во единой воли будутъ.» И паки той же лжехристость, восхищая на себя Святительскую власть, именовася Отцомъ Отечества, ибо Патріаршее имя именуется, по слову Правыя Вѣры (гл. 19) Отецъ Отцовъ всего свѣта; тако и той именовася Отецъ Отечества; и паки: восхищая себѣ превьсочайшую славу Сына Божія, первенство Господа нашего Ісуса Христа, яко свидѣтельствуеть Апокалипсисъ глава 1: «Азъ есмь алфа и омега, первый и послѣдній, не имѣя ни начала дней, ниже конца вѣкомъ;» и тако той лжехристость, восхищая на себя славу Сына Божія превьсочайшую, именовася Петръ Первый, и прочіе по немъ тако же именуются. И паки именовася Божествомъ Россіи, яко же свидѣтельствуеть книжка «Кабинетъ Петра,» листъ 2: «Онъ Богъ твой, о Россія!» Онъ члены взялъ въ тебе плотскія, сошелъ къ тебѣ отъ горнихъ мѣстъ; ибо онъ древній змій, Сатана, престлникъ, сверженъ бысть за свою гордыню отъ горнихъ Ангельскихъ чиновъ, сошелъ по числу своему 1666, взявъ члены себѣ

плотскія, яко же Св. пишутъ Ефремъ и Ипполитъ: «Родится сосудъ скверный отъ жены, и Сатана въ него вселится, и начнетъ творити волею своею.» И Андрей юродивый въ 44 пишетъ: «Сотворитъ ему Господь Богъ сосудъ скверненъ и скаредія исполненъ, и возмужавшуся человѣку его, лестію приему царство.» И тако той, по Святыхъ прореченію, скверный сосудъ, Петръ, родився 1666 отъ беззаконнаго новаго Жидовина, Царя Алексѣя Михайловича, а Сатана въ него вселился самъ собою, по онаго воли нача дѣйствовати. Ш паки: той же лжехристосъ, возвышаяся надъ покрившимися ему заручною грамотою, присягою и цѣлованіемъ креста, именовася Императоръ, сирѣчь, тѣмъ, кои приняли его за истиннаго пастыря: «образъ приметъ прелестникъ, хищный волкъ скрывается въ овчюю кожу и скры пагубное свое имя подъ литерою М, а прочій слогъ по азбуцѣ содержитъ число имени его 666 Императоръ; въ ономъ словѣ, кромѣ излишнія оныя литеры, замыкается число 666 пагубнаго имени его, яко же свидѣтельствуесть Апокалипсисъ: «яко иматъ писать имя свое тайное, въ купляхъ и продаваніяхъ,» его никто же отъ земныхъ и мятущихся въ вещѣхъ житейскихъ не увѣдаетъ сими словесы 666. Не изволи бо божественная благодать пагубнаго имени его въ книгахъ написану быти, во образѣ же обученія можетъ кто обрѣсти, по Ипполиту и Иринею, имена, число сіе объемлющеса: «титинъ, лампетисъ, маеметисъ, фармазін, венедиктосъ;» время бо открываетъ и искусъ цѣломурдствующимъ, яко же свидѣтельствуесть книга Баронія, слово 15 о Антихристѣ: «Той прелестникъ сынъ, наречетъ свое ему пагубное, имя скверное, отъ вѣка не слышимо нигдѣ же во всѣхъ родѣхъ.» До здѣ отъ Баронія. Во истину, нигдѣ же не слышимо отъ вѣка именованія сего: Императоръ отъ Рима изыде, да къ намъ, въ Россію, прииде. И тако той злый сосудъ Сатанинъ, Императоръ Петръ, всея воли Сатанины исполнитель, по совершенномъ своей злобы исполненіи, въ 1700 году разосла многіе Указы и законопреступныя повелѣнія, во всей Россіи повелѣ праздновати новое лѣто каждагодно, во вся времена, въ 1 число Генваря мѣсяца, ратуяся со Святими Седьми Вселенскими Соборами, иже Св. Отцы на первомъ Вселенскомъ соборѣ, при благочестивомъ Царѣ Константинѣ, во вся предыдущая времена праздновати св. Церковію ежегодно до скончанія вѣка въ 1 день Септемврія мѣсяца Новое Лѣто, яко начатокъ свободы Христіянскія отъ тяжкаго Ав-

густа Кесаря, изчисляя вся мужеска пола и женска, облагая ихъ даньми великими, не точію на живыхъ, но и на мертвыхъ, яко свидѣтельствуеть о томъ преподобный Меѳодій Патарскій въ словѣ 66-мъ: «Въ послѣднее бо время Антихристъ вѣпроситъ дани отъ мертвыхъ, яко и отъ живыхъ;» и пакы ниже: «Антихристъ весь міръ даники сотворитъ, по записаніи въ своя книги дань съ душъ человѣческихъ.» Отъ великаго неразсмотрѣнія и крайнія погибели человѣческія, Антихристъ, по записаніи въ своя книги, требуетъ со своихъ вѣрнопогоданныхъ дани душевныя. Что же есть душа? Душа бо есть невидимаго существа Божіи образъ, дебелствомъ плоти одѣяна, невидима и неосязема, должна есть приприслужити Создателю своему дань душевную, вѣру правую, надежду несомнѣнную и любовь нелицемѣрную; сынъ же погибельный уби сію трисвятую добродѣтель и насади, вмѣсто того, невѣріе, безнадежіе, нелюбовь, яко же свидѣтельствуеть Еѳремъ Сиринъ: «Вложитъ страхъ, пренемоганіе и люто невѣрованіе въ сердца человѣкомъ.» И Ипполитъ Св. въ словѣ 3 пишетъ сице: «Омрачатъ многи души, сотворитъ бо себѣ начальники отъ бѣсовъ;» то и св. Еѳремъ пишетъ: «Проставникъ бо поставитъ творити волю его на всякомъ мѣстѣ.» А иже на Римское начальство, яко же нынѣ видимъ, не Цари Царя избирають, или поставляють, но духовныя духовныхъ, на Монархію Римскую, на Царскую власть свѣта сего перекладають, иже Божію на себя восхитивъ, и по всему міру расширяють, и держатъ, и предадутъ оному послѣднему Князю міра сего, Антихристу; и ниже: «яко Антихристъ огъ, яко же нынѣшніи его предтечи, вознесетъ и возвыситъ паче всякаго глаголемаго Бога, или чтилища;» и не глаголетъ напрасно «паче Бога,» но «паче всякаго глаголемаго Бога,» еже есть паче всѣхъ Царей земныхъ, иже суть прозвани, а не бѣяху суть бози. Царіе бо іереи глаголеміи бози и христи именовашуся, яко свидѣтельствуеть Максимъ преподобный, Грекъ, въ книгѣ своей, во главѣ 30: «Царь есть ни что же ино, точію живъ образъ одушевленъ самаго Царя небеснаго, сирѣчь, живъ предъ нимъ;» и ниже, статья 24: «Остави бо 99 овецъ заблудшихъ, и сниде на землю искати погибшаго овчага, человѣча рода, и остави по себѣ пастырей, Царіе, Святителей, да отечески и владычески прилежать и пекутся о душахъ ихъ.» А нынѣ отъ лѣтъ, по числу своему 1666, прииде злый вождь, неправедный, Царь Жидовскій, ложный Мессія, лжехри-

стось, одушевленъ образъ самаго Сатаны, яко же Ефремъ Сиринъ свидѣтельствуеть. «Яко тать и прелестникъ есть Антихристъ, хочетъ прийти во своя времена, хотя украсти, убити и погубити Божіе стадо избранное, истиннаго пастыря образъ приметъ, да прельститъ овецъ стада.» Ибо Петръ Великій, всея злобы и воли Сатанины исполнитель, вознесся и возвысися паче всякаго глаголемаго Бога, или чтилища, по Ефрему Сирину: «Яко тать лжею говенія,» придетъ на престолъ Всероссійскій, яко же и самъ, веле хваляся о себѣ, глаголетъ: «Сирымъ былъ отецъ, странствующимъ пристанище, бѣдствующимъ помощникъ, обидимымъ избавитель, насилуемымъ свободитель, для скорбныхъ и престарѣлыхъ учредилъ гошпиталь, для малолѣтнихъ училища, неполитичной народъ Россійскій въ краткое время сдѣлалъ политичнымъ и во всѣхъ знаніяхъ равной Европейскимъ народомъ, Азію съ Европою чрезъ протекты дальные пути на кратчайшія содѣлалъ, великую коммерцію учредилъ, Государство распространилъ, восхищенное возвратилъ, разсыпанное возставилъ, уничтожаемое прославилъ, ветхое обновилъ, не имущее создалъ, спящихъ въ невѣдѣніи возбудилъ, немощныхъ въ силѣ укрѣпилъ, лѣнливыхъ къ труду подвигнулъ, бунхъ умудрилъ, чины и степени и порядки благаго житія образы насадилъ, своимъ трудомъ отъ идолослуженія и отъ богомерзкаго раскола и безумнаго атейскаго мудрованія, до дву милліонувъ душъ во благочестіе обратилъ, многія суевѣрія истребилъ, чинъ духовный къ паствѣ и проповѣди слова Божія способнѣйшимъ учинилъ, о должностяхъ издалъ Духовный Регламентъ, учредилъ Сенатъ, кормило Государственное и уставы, права и законы утвердилъ крѣпкими указы о непремѣнномъ исполненіи оныхъ, учредилъ Академіи, школы, училища, фабрики, во всемъ имѣлъ умѣренность, ни въ чемъ недостатку не имѣлъ, ниже въ Величествѣ и въ великославныхъ дѣлахъ.» Петру Великому отъ начала міра никто подобенъ не былъ, яко свидѣлствуютъ о немъ друзіи. Звѣрь той гордъ и страшень, ни единому не подобный, о чемъ онъ и самъ о своемъ достояніи сице вопіеть: «Знждитель міра искони положилъ своими судьбами прославить въ ваши дни. Онъ послалъ въ Россію челоувѣка, каковъ не слышимъ былъ отъ вѣка, сверхъ всего препятства вознесъ онъ главу, побѣдами вѣнчану, Россію коварствомъ пограну, вознесъ до небесъ. Стихиіи сами объявляютъ, чего всѣ Россы ожидаютъ.» Зри, Право-

славный читателю, кто онъ есть, и самъ о себѣ открываетъ, и вся дѣянiя ясно представляютъ, которому вся Россiя, преклоня колѣна, глаголетъ: «Кто подобенъ звѣрю и кто можетъ ратоватися съ нимъ?» Во истину никто же, ниже въ мiрскихъ вещехъ мятется и умъ свой пригвожденъ къ нимъ имать. Аще бо кто озвѣрившеся тому Антихристу повинется, и злочестивое житiе его содержитъ, оному изображающе, или словомъ, или дѣломъ Бога его проповѣдаетъ; се бо и сказуетъ печати его даемое начертанiе на челѣ и на деснѣй руцѣ; аще кто приметъ печать его, той области не имать знаменатися знаменiемъ Христа Спасителя своего, но престелнику приложится и тому единому послужитъ, всяко погибе той отъ Бога и отъ человекъ. Како нынѣшнiи разнаго вѣроломства сектари хвалятся имѣть вѣры своя быть правыми, возносить гласы своя до небесъ: «Миръ и тишина отъ Антихриста намъ даны,» разныя секты водить, не вѣдуще Святаго Писанiя, въ ересяхъ блудятъ. За то окаянный льстецъ уступилъ имъ быть въ полной свободѣ, что ни единъ изъ нихъ былъ противенъ воли его, и вси послѣдовали въ слѣдъ лукаваго того звѣря, обоготворили его и приняли съ клятвенною присягою, богопомазаннымъ боговѣнчаннымъ, боговѣнчаннаго Христа, а сущаго лжехриста. О бѣдныя бѣдняки, разныхъ вѣръ сектари! Гдѣ вы умъ свой потеряли, за таковаго лютаго звѣря, Антихриста, законопреступно присягали, и крестъ за него цѣловали, и въ его погибельныя книги вѣроподданными рабы и слуги себя писали, и тѣмъ присяганiемъ и ложнымъ креста цѣлованiемъ обоготворили Антихриста и отступили отъ Господа Нашея Иисуса Христа святыя Православныя вѣры? По Ипполиту и по Ефрему Сирину: «не имѣете область не точiю держати вѣры правыя, но ниже имѣете область знаменатися знаменiемъ Христа Спасителя своего,» о чемъ Апостоль, вошiя, глаголетъ: «Имуще образъ благочестiя, силы же его отрекошася.» Аще бо кто Антихристу поклонится, или предастся, той царствiя небеснаго не наслѣдитъ. Того ради окаянный льстецъ умолче, пожеже всѣхъ въ свѣти своя удовилъ, широкою дорогою и самовластнымъ житiемъ прельстилъ всѣхъ, яко же самъ Господь рече: «Востануть бо лжехристи и лжепророцы, ложнiи христи и помазанники царiе, iерои, ложнiи пророцы,» по Юанну Златоустому, «являюще на себѣ видъ благовѣрiя, а силы его отрекошася,» и мечтанiемъ творяще явленiя предъ очима зрящимъ, си-

рѣчь, привидѣніе показующе и блазнену вѣру проповѣдающе: «Здѣ Христось, онде Христось», а всѣмъ безумнымъ една глава есть Антихристъ, а вси разнаго вѣроломства сектари, по онаго воли своя дѣла творяще, яко уди во единомъ тѣлѣ и подь единою главою; ибо Святїи, предзряще духомъ о послѣднемъ неистовомъ родѣ, ужасающесе послѣднихъ случаевъ, болѣзненно описоваху, глаголюще: «будеть бо скорбь велія, якова же не бывала отъ начала міра, и потомъ не будетъ» яко же Исаія вопіеть сице: «Дни будутъ во Израили безъ Бога истиннаго и безъ Священника учащаго, и безъ закона исправляющаго»; въ человекѣхъ нѣсть и разумѣвай во время оно умолкнетъ, яко время зло есть, яко св. Ишолитъ пишетъ сице: «Навыкни иже сущимъ тогда во градѣхъ и въ селѣхъ, каково лѣто время и дніе будутъ, на кїждо бо градъ възаконенія своя пошлетъ скверный, съ бѣсы же и съ чувственными человекѣми». Намъ же подобаетъ писанная Святими не въ забвенїи полагати, и съ усердіемъ всему внимати, и противнича прихода навирати, како и откуда прїдетъ и гдѣ воцарится; понеже, по Святыхъ Писанїю, сугубъ воспісуется быти Антихристъ, чувственный, по земному и чувственному сѣдѣнію области земныя, тако же и мысленный, чрезъ отступленіе нарицается Антихристъ, яко же и Златоустый сказуетъ: «Понеже бо чувственный нареченъ бысть словомъ, и дѣломъ, и образомъ, строенія ради Сатанинскихъ дѣлъ и благочестїю противныхъ.» О преисподній Титинѣ! Постѣя сѣмена своя на сердцахъ человекскихъ, въ разумъ земный свель душевный и бѣсовскїй тмѣ, и яко ноши и свирѣпой зимѣ угодобленный, того ради и пишется «обратить день во тьму,» еже и содѣла, иже Господа нашего Ісуса Христа лѣта премѣни воплощенія, отъя осмь лѣтъ по Даниїлу, иже времена и законъ премѣни, номрачи и покры невѣдѣніемъ, яко вретїщемъ власномъ, яко же пишется: «солнце угаснетъ, и луна не дастъ свѣта своего, и звѣзды снадутъ;» тѣмъ пророкъ вопіеть, глаголя, что уже «исправляющаго въ человекѣхъ нѣсть;» исправители же змінна времени, омрачивше тьмою умъ свой и оболкшесе въ хоругвь міра, утвержденіе мнать быти, глаголюще: «Миръ, миръ!» Се прїиде мечъ даже до... «В той день, вопіеть Пророкъ, оскудѣютъ дѣвы добрыя и юноши въ жаждѣ, т. е., погасиша бракъ закона духовнаго со Христомъ, и по плоти къ возстановленїю; по Исаїи, сѣмени, не разумѣюще сего, смутишася вси неразумїи сердцемъ, уснуша сномъ своимъ,

и ничтоже не обрѣтоша богатства въ рукахъ своихъ. Въ таковыхъ Антихристь сѣде, рекше, во отступницѣхъ словесъ Христовыхъ, но вѣрнымъ во истину вѣдомо, яко обыдоше нынѣ, по большому Катиллизису, въ трехъ винахъ церковь Христову Антихристово воинство по вселеннѣй, отъ неразумія писаніе, дерзостію и худою на законъ и истину Бога живаго. Древніи Іудеи, за непривіятіемъ Евангельскія проповѣди, и донынѣ законъ Моисеевъ хранятъ, да и хранити будутъ до дне суда Господня: такожде и новоблагодатныя, по числѣ звѣриномъ, идѣже разсыпая рука людей священныхъ; потомъ воспісуется, что служба угаснетъ и пѣніе не услышится, а идѣже таковое совершатися будетъ, рать съ самимъ Богомъ, яко рече Господь, глаголя: «Радости и веселія кому не услышится въ тебѣ, дщи Сіоня;» яко истинною и судомъ навелъ еси сія вся на ны, грѣхъ ради нашихъ; яко, Владыко, умалихомся паче всѣхъ языкъ, и есмы смиренни по всей земли днесь, грѣхъ ради нашихъ, и нѣсть во время се ни князя, ни пророка, ни вождя, ни всесоженія, ни жертвы, ни приношенія, ни кадила, ни мѣста, еже пожрети предъ Тобою и обрѣсти милость, но душею сокрушеною и духомъ смиреннымъ пріяти будемъ. Не внимая сему, нынѣшній родъ, вопіюще, глаголють славу и миръ въ челоуцѣхъ. Удивляясь Господь такому миру, глаголетъ чрезъ пророка Іеремію: «Исцѣляху сотрєніе дщере людей моихъ,» къ безчестію уничтожающе, глаголють: «Миръ, миръ!» Гдѣ есть миръ? И не бѣсть мира, яко той же Іеремія сице вопіетъ: «Взыде левъ отъ ложа своего; хищникъ людскій воздвижеся, испелъ естъ отъ мѣста своего, да поставитъ землю твою въ пустыню; оставшии безъ обитателя на томъ, препояшутся вретницемъ, плачьте и рыдайте, яко отвращенъ гнѣвъ ярости Господни отъ васъ. Что сего свидѣтельства на нынѣшнее время яснѣйша, яко вси пророцы согласно вопіють: «вретницемъ одѣятися, повелѣвають плакати и рыдати, а не пѣти и веселитися», яко же и Андрей Цареградскій пишеть: «плакати имуть по островымъ днѣи 666,» и аще кто по Проческому писанію не внимаетъ, таковыи Пророки убиваютъ, яко же древніи Іудеи; писаніе держаще, писаніемъ осудишася. А намъ, Православнымъ Христіянамъ, подобаетъ всеусердно держатися отеческаго наказанія и Пророческаго писанія, да не осудимся съ древними Іудеи, но всегда подобаетъ намъ жизнь препроводити, по Пророческому гласу, «во вретницѣхъ», и плачи, и во уединительномъ безмолвіи, и

вустинномъ пребываніи, яко Господь чрезъ Іеремію Пророка взывая, глаголетъ: «Изыдите, людіе мои, изъ Вавилона падшаго, и не прикасайтесь нечистотамъ его, да неосуждени будете съ невѣдущими Бога»; яко же жена Лотова бѣжа, и обозрѣвся вспять, и бысть столпъ сланъ каменемъ; тому же подобно и Ефремъ Сиримъ вопіеть: «и проліють рѣки слезъ со воздыханіемъ къ Богу Святому забавятися отъ змія, и побѣгнутъ со тцаніемъ великимъ въ горы, и въ вертепы, и пропасти земныя, и спасутся; аще ли не тако, то вси уловени будутъ Антихристомъ въ погибель.» Сего ради Святіи могутъ избѣжати, яко всея печали житія сего отрекошася, всѣмъ бо имущимъ тогда боговидѣніе и Божій разумъ, разумно будетъ пришествіе мучителево, а имущимъ присно умъ въ вещѣхъ житія, неразумно будетъ; аще бо и услышитъ кто слово, то не имуть вѣры, обаче мерзятъ имъ, тогда бо въ истинное ученіе ни какую пользу будетъ, яко же Евангеліе вопіеть; тогда человекѣды пространно живущіе ничтоже зла чають, но и не вѣруютъ, еже имъ о чемъ кто случится глаголетъ, якоже при Нои и Лотѣ. О такомъ лютомъ времени и неутѣшномъ Святіи писали, и нуть тѣсныи намъ къ царствію небесному показывали, и аще кто тѣхъ временъ 1666 достигнетъ, на брань съ самимъ діаволомъ выходить повѣдаеть; первии бо мученицы съ человекѣки брашеса, а иже при Антихристѣ, съ самимъ Сатаною очевидно братися будутъ. Какое имамъ сіе разумѣти? Очевидную брань съ Сатаною, понеже діаволь существо есть не видимо, а человекѣкъ въ существѣ его аще бы увидѣлъ, живъ не можетъ быти. Сего ради и глаголетъ: очевидно братися имуть съ тѣмъ, иже образъ его возложитъ на ся и всю волю Сатанину исполнять будетъ. Сего ради и глаголется сынъ погибельный, самъ погибнетъ и иныя послѣдующія ему погубитъ, яко же глаголетъ о немъ Данииль: «наче всѣхъ возвеличится, и Бога Маозія на мѣстѣ своемъ возславить.» Вонмите здѣ вси, послѣдующіе Янусовскому Новолѣтію и поклоняющіеся чрезъ Янусовское новолѣтіе Маозію! Ибо онъ лютой звѣрь всея злобы и воли Сатанины исполнитель, Петръ, по совершенномъ всея злобы своея, яко Святіи Отцы тогда на Первомъ Вселенскомъ Соборѣ, при Царѣ Благочестивомъ, Константиѣ, уложиша и запѣчатлѣша, и сице написаша: «Аще кто дерзнетъ разрушити, да будетъ проклятъ;» Великій въ злобѣ, Петръ, и всея воли Сатанины исполнитель, дерзну клятву разрушити и уставы

Святыхъ попрати, разосла свои богопротивныя узаконеніи, повелѣвая и по гражданскому производству дѣль, чтобъ писать лѣта, начиная съ 1-го Генваря, яко свидѣтельствуесть книжка «Дополненія Петра дѣляній.» Сего ради мы, Христіяне, отъ Христа Спаса научихомся и отъ святыхъ его ученикъ и намѣстникъ, дабы не примати ложнаго, яко истиннаго, лжехриста за истиннаго Христа и за богопомазанника, развѣ за то, что вся уставы Святыхъ разрушилъ и восхитилъ на ся, не точію власть Царскую, но и Святительскую и Божию. Царскую восхити, понеже незаконно на престолъ помазася и именовалъ себя Императоромъ, а Святительскую восхити, понеже именовася Отецъ Отечества и глава Церкви Россійскія, восхищая себѣ судъ духовный; а Божию власть восхити, сирѣчь, уставы Святыхъ разрушаетъ и законы Христовы превращаетъ. И о такомъ Стефанъ Зизаній пишетъ, что «вознесется и возвысится паче всякаго глаголемаго Бога, или чтимлица», еже есть паче всѣхъ Царей земныхъ, иже суть прозванію, а небѣяху суть бози, и заповѣди святыхъ сокрушитъ и своикъ умышленій заповѣсть держати. Изволяяй, да чететь Кирилову книгу о томъ знаменіи о противникѣ. Сего ради прещенія мы Св. Отецъ боимся, такому славою міра самовластному паствырю въ послушество отдатися не хотимъ, и въ книги его самоумышленныя и законопреступныя писатися никогда не хотимъ, да и хотящимъ спастися никому не совѣтуемъ. По закону вашему судите насъ, и творите, что хочете, а мы, въ силу Указа вашего властодержца и его повелѣній, не пишемся. Отнесите ему отъ насъ отвѣтъ, или представите насъ самихъ къ нему на лицо: тогда мы предъ нимъ отвѣщать не постыдимся и правду глаголати не устрашимся; ибо Россійскіе Императоры отъ Петра и до скончанія вѣка, вси приемыцы престола его исполнители законовъ онаго, разныхъ его узаконеній, живъ образъ его пишуще. Извѣстно вамъ буди, о власти Всероссійскія, яко вѣра святая, Христомъ съ небесъ снесенная и Св. Апостолами преданная, и святыми Седмю Вселенскими Соборами утвержденная, и мученическою кровію свидѣтельствованная, въ Россіи, въ лѣто числа авѣрева 1666, Царемъ Алексѣемъ Михайловичемъ и Патріархомъ Никономъ истреблена, а Римская и Латинская возобновлена, а наконецъ безъ вѣсти сотворена сыномъ его, Петромъ, который, ревнуя Римскому преданію, гоня и муча вдре-

вле отеческомъ преданію старовѣрцевъ, истребляя отъ земли память ихъ, называя ихъ раскольниками, и еретиками, и заблудниками, и погибшими, а самъ, сый раскольникъ, сирѣчь, не единомысленъ со Святыми, и еретикъ, сирѣчь, пріемникъ и узаконитель ересей Римскихъ, и Латынскихъ, и Жидовскихъ, и заблудникъ, понеже праваго и истиннаго пути не позна, и погибшій, понеже сынъ погибельный именуется, во Святыхъ сказанію. Сице мы вѣруемъ и исповѣдуемъ, яко же свидѣтельствуеть сія хартія, и по Христѣ Спасителю называемся Христіане, понеже новыя вѣры Римскія и Латинскія не пріемлемъ; и есмы не раскольницы или сектоводцы, яко же сынъ погибельный глашаетъ, ибо расколу въ вѣрѣ со Святыми никакова не сотворихомъ и творить весьма ужасаемся; и не сектоводители, понеже отсѣканія отъ святаго Церкви не сотворихомъ, и не буди намъ, Православнымъ Христіаномъ, мыслити, чтобъ похулити данное Христово намъ святое наименование, еже зватися намъ по Христѣ Христіане, ибо Христосъ работающимъ Ему правою вѣрою обѣща дати новое имя, еже зватися Христіаны. Сего ради мы не пріемлемъ ея отъ отца лжи, лживаго вашего Бога, осьмьотысящнаго Исуса, и его помазанника, лживаго Христа, за истиннаго не пріемлемъ, и законовъ его богопротивныхъ не слушаемъ, въ книги отступническія съ беззаконники не пишемся, понеже видимъ по Св. Писанію и изъясненію Соловецкихъ страдальцовъ, что у васъ отъ Р. Христа осьмь лѣтъ убавлено. О Россіане! По что у Христа украли лѣта и пишете сице лѣтосчисленіе 1819 годъ, * а по числу святыхъ отъ Р. Христова 1829 годъ? Сего ради лживыми подписками весь родъ чловѣчь въ погибель свели, а мы подо лживыя ваши лѣта не подписуемся. И по что паки въ лѣта превратили: Индиктъ отъ Септемврія 1 числа на Генварь 1 число, въ честь имени храма Янусова превели и называете то новымъ лѣтомъ? И тако отъ онаго лѣта, иже сынъ погибельный, Петръ, вамъ предаде, а вы держите, и насъ, грѣшныхъ, въ ту же погибель влечете, того ради мы подъ ложныя ваши лѣта осьмьотысячнаго князя тьмы не подписуемся, и не проповѣдуемъ съ вами купно ложное исповѣданіе ваше и прелестное Христовыхъ лѣтъ утаеніе; ибо таковое ложное исповѣданіе Св. Отцы проклятію предаша, и мы послѣдуемъ ихъ

* Годъ сочиненія этой мнимой исторіи?

ученію и преданію, проклинаемъ же и законопреступное утвержде-
 ніе сына Сатанина, Петра, Великаго въ злобѣ, иже Давидъ Пророкъ
 рече о немъ: «звѣрь той страшенъ, ни одному не подобный, иже
 времена и законъ премѣннѣе размыслитъ;» ибо Петръ I, а послед-
 ній воли Сатаниной исполнитель, ревнуя Еллинскому преданію, въ
 честь идола Ветхоримскаго, устави лѣта числнті 1-го Генваря, и
 называя то Новымъ Лѣтомъ, и утверди его ежегодно праздновати,
 и торжественный молебемъ приносить за его, и утверди строгими
 Указы о непремѣнномъ исполненіи ономъ, разрушая завѣтъ вѣч-
 ный, преданія Св. Отець, иже положиша Святыхъ на 1-мъ Вселен-
 скомъ Соборѣ, при благочестивомъ Царѣ Константиѣ, ежегодно
 праздновати Новое Лѣто Септемарія 1-го дня, яко же свидѣтель-
 ствуетъ Минея Четія. Сего ради мы, смиреннѣи, гордому оному звѣ-
 рю, обогащенному властію самовластнаго Правительства, и его
 Янусовскому Новолѣтію не послѣдуемъ, и не подписуемъ подъ
 ложное Янусовское численіе лѣтъ, и Бога вашего, Ісуса ложнаго,
 не приедемъ, и всего преданія его душегубнаго отметаемъ, и
 въ церковь его, Римскую и всѣхъ ересей приемницу, не послѣдуемъ.
 Творите съ нами, что хотите, а мы преданія Св. Отець держим-
 ся, и настоящаго града, ни села не имѣемъ, но грядущаго взы-
 скуемъ, вѣчнаго, и гордому, властію обогащенному, Князю ва-
 шему, властодержавцу, въ подданство не отдаемъ, и въ книги
 беззаконныя не пишемъ. Того ради, понеже прежде бывшіи
 въ Россіи благочестивіи Царіе наши таковаго тиранства надъ че-
 ловѣки не творили, съ мертвыхъ дани не искали, мужеска и
 женска пола, и всего обще человѣчества описанія не творили,
 яко же случися таково дерзнутіе сотворитися при Давидѣ Царѣ
 Израильскомъ, яко свидѣтельствуеть Библія, гл. 21 сице: «Пи-
 сано есть, и возста діаволъ на Давида, и научи Давида, да счи-
 слитъ, иже подъ властію его, всего Израиля, и посла Князя сво-
 его, Іоава, по всей земли, да счислитъ Израиля,» и за то прогнѣ-
 вая Господь Богъ за такоево законопреступленіе на Давида, и
 посла на него три язвы великія, яко же свидѣтельствуеть Библія;
 изволяя, да чтеть тамо. Того ради мы, въ книги ваши беззакон-
 ныя подложныхъ лѣтъ не пишемъ, и не проповѣдуемъ съ вами Яну-
 совскаго Новолѣтія, установленнаго сыномъ погибельнымъ, Пе-
 тромъ, Великимъ въ злобѣ. О Россіяне! Вонмите, кто царствуетъ и
 кто обладаетъ вами отъ лѣтъ 1666. По списателю книги «Правыя

Вѣры», гл. 30, при слугахъ, и господина указываетъ вашего, властителя, царствующаго надъ вами. Еще паки пишетъ: «Мы есмы Христіане, вѣруемъ во Отца и Сына и Св. Духа, въ три лица, а во едино Божество Господа Бога и Спаса Нашего Ісуса Христа, Сына Божія, Спасителя міру;» а мы вѣруемъ въ него: 1, исповѣдуемъ его первенца всея твари; 2, первенца изъ мертвыхъ воскрешаго въ третій день; 3, исповѣдаемъ его первенца, вознесшагося на небеса со обоженною плотію и сѣдящаго одесную Отца, и показавшаго на небеса путь всѣмъ правовѣрующимъ въ Него, а въ первенца осмысленнаго мы не вѣруемъ, и не исповѣдуемъ его перваго, и не приедемъ, и не исполняемъ законпреступнаго повелѣнія, и рабы и слуги его быти не обѣщаемся: зане писано есть во многихъ св. книгахъ: «Аще кто обожившагося и трети властию высящагося Антихриста послушается, или покорится, и поклонится, и послужитъ, и начертаніе его приметъ, и законпреступное его повелѣніе не охулитъ, таковый небеснаго царствія не наслѣдитъ, но съ нимъ вкупѣ осудится вѣчнымъ судомъ Божиимъ.» Аминь.
